

INUIT ATAQATIGIIT

INATSISARTUNI



Nuuk 10.november 2009

Inatsisartut suleriaasianni § 36, immikkoortoq 1 naapertorlugu matumuuna imaattunik Naalakkersuisunut apeqquteqarpuga:

Nunatsinni Peqqinnissaqarfiup nunanit allanit, soorlu kangiamiunik (Asien - Indien) atorfinitsissinnaanera qanoq periarfissaqartigaa? Periarfissaq tamanna Danmarkimut sanilliullugu qanoq annertutigaa?

(Inatsisartunut ilaasortaq Isak Hammond, Inuit Ataqatigiit)

Tungavilersuut:

Sygeplejerskeqarneq eqqarsaatigalu nunanit allaneersut nunatsinni atorfinitsissinnaanerat Danmarkimut sanilliullugu qanoq periarfissaqartiginersoq paaserusukkaku matumuuna apeqqutingaara. Maannakkummi naalagaaffeqatitsinni Danmarkimi ilaatigut nunanit allamiut, soorlu kangiamiut, sulisorineqartarnerat nalinginnaajartorpoq tamakkulu qanoq qallunaat oqaasiinik ilikkalertortigisarnerat tusarlugu usornartutut nuannaajallannartutullu isumaqarfiginarmata.

Taammatut sulisoqarsinnaaneq ingammik Sygeplejkskinut taartaallutik (vikar) sulisorineqartartunut sanilliullugit annertuumik Peqqinnissaqarfimmut aningaasartuutunik ikilitsissinnaanerat periarfissaqartoq ilimanarsinnaavoq. Taamaattumik apeqqummik saqqummiussivunga, piffissaq ungasinnerusoq eqqarsaatigalugu Peqqinnissaqarfimmut sipaarfissat ilaattut periarfissaq tamanna isigineqarsinnaammat.